

Sancti Gregorii Papæ Primi Cognomento Magni Opera

In Tres Tomos Distributa. Ex quamplurimis MSS. Codicibus emendata ;
Additæ Sunt Quædam Notæ in Dialogos & Epistolas ejusdem S. Gregorii

Gregor <I., Papst>

Lutetia Parisiorum, 1675

Homilia XIX. Portam quoque, quæ respiciebat viam Aquilonis atrij exterioris, mensus est tam in longitudine, quàm in latitudine. Et thalamos ejus tres hinc, & tres inde: & frontem ejus, & vestibulum ...

[urn:nbn:de:hbz:466:1-74915](#)

cum erit vobis sicut vox sanctificate solemnitatis. Frænum quippe erroris maxillas populorum constricterat, quando idolorum errore obligata Gentilitas, Deo vero confessionis laudem dare nesciebat. Sed hoc ipsum erroris frænum jam nobis in canticum verbum est, quem gaudendo psallimus atque cantamus: *Omnes dei gentium demonia, Dominus autem calos fecit.* Et rursum: *Simulacra gentium argentum & aurum, opera manuum hominum: os habent, & non loquuntur; oculos habent, & non videbunt; aures habent, & non audient; naras habent, & non odorabunt; manus habent, & non palpabunt; pedes habent, & non ambulabunt.* Qui itaque hæc omnipotenti Domino psallendo dicimus, ipsum erroris nostri frænum, quod à laude Dei ora nostra ligaverat, vero Domino canticum fecimus. Bene autem dicitur: *Sicut vox sanctificate solemnitatis;* quia dum confessionis laudem Deo reddimus, in sanctificate solemnitate gaudemus. Respondeamus ergo moribus tanta misericordia Redemptoris nostri, & qui lucem cognovimus, præ vorum operum tenebras declinemus. Quid est jam, rogo, quod in hoc mundo libeat? Ubique luctus aspicimus, undique gemitus audimus. Destructæ urbes, eversa sunt castra, depopulati agri, in solitudinem terra redacta est. Nullus in agris incola pæne nullus in urbibus habitator remanit: & tamen ipse parva generis humani reliquia adhuc quotidie & sine cessatione feriuntur. Et finem non habent flagella celestis iustitia, quia nec inter flagella correctæ sunt actionis culpa. Alios in captivitatem duci, alios detruncari, alios interfici videntur. Quid est ergo quid in hac vita libeat, fratres mei? Si & talem adhuc mundum diligimus, non jam gaudia, sed vulnera amamus. Ipsa autem quæ aliquando mundi domina esse videbatur, qualis remanserit Roma, conspicimus. Immensis doloribus multipliciter attrita, desolatione civium, impressione hostium, frequenter ruinarum: ita ut in ea completum esse videamus, quod contra urbem Samiam per hunc euudem Prophetam longè superius dicitur: *Pone ollam, pone, inquam, & mitte in ea aquam, & congere frusta ejus in ea.* Et paulò post: *Efferuit cotio ejus, & discota sunt ossa illius in medio ejus.* Atque iterum: *Congere ossa, que igne succendam, consumentur carnes, & coquetur universa compositio, & ossa tabescant.* Pone quoque eam super prunas vacuanam, ut incalescat, & liquefiat ex eis. Tunc enim nobis olla posita est, cum hæc est civitas constituta. Tunc in eam aqua missa est, & frusta ejus congesta sunt, quando ad eam undique populi confluerant, qui velut aqua calens actionibus mundi fervescerent, & quasi frusta carnium in ipso suo fervore liquefuerint. De qua bene dicitur: *Efferuit cotio ejus, & discota sunt ossa ejus in medio illius:* quia prius quidem in ea vehementer incauit actio gloriae facularis, sed postmodum ipsa gloria cum suis sequacibus defecit. Per ossa etenim potentes facili, per carnes vero populi designantur: quia sicut carnes portant ossibus, ita per potentes facili infirmitas regitur populorum. Sed ecce jam de illa omnes hujus facili potentes ablati sunt, ossa ergo excocta sunt. Ecce populi defecerunt, carnes ejus liquefactæ sunt. Dicatur itaque: *Congere ossa, que igne succendam: consumentur carnes, & coquetur universa compositio ejus, & ossa tabescant.* Ubi enim senatus? Ubi iam populus? Contabuerunt ossa, consumptæ sunt carnes, omnis in ea sæcularium dignitatum ordo extinxitus est. Excocta est universa compositio ejus. Et tamen ipsos nos paucos qui remansimus, adhuc quotidie gladij, adhuc quotidie innumeræ tribulationes premunt. Dicatur ergo: *Pone quoque eam super prunas vacuanam.* Quia enim senatus deest populus interit, & tamen in paucis qui sunt, dolores & gemitus quotidie multiplicati

A tur, jam vacua ardet Roma. Quid autem ista de hominibus dicimus, cum ruinis crebrefcentibus, ipsa quoque destrui ædificia videmus? Unde aperte de civitate jam vacua subditur: *Incalescat, & liquefiat ex eis.* Jam enim & ipsa olla consumitur, in qua prius & carnes & ossa consumebantur: quia postquam defecerunt homines, etiam parietes cadunt. Ubi autem sunt qui in ejus aliquando gloria latabantur? Ubi eorum pompa? Ubi superbia? Ubi frequens & immoderatum gaudium? Impletum est in ea quod contra destruam Niniven per Prophetam dicitur: *Vbi est habitaculum leonum, & pascua catulorum leonum?* An ^{Nunquam} ejus duces ac principes leones non erant, qui per diversas mundi provincias discurrentes, prædam saviendo & interficiendo rapiebant? His leonum culti inveniebant pascua: quia pueri, adolescentes, juvenes sæculares, & sæcularium filii hue undique currebant, cum proficeret in hoc mundo volvissent. Sed jam ecce desolata, ecce contrita, ecce gemutibus oppressa est. Jam nemo ad eam currit, ut in hoc mundo proficeret: jam nullus potens & violentus remansit, qui opprimendo prædam diripiatur. Dicamus ergo: *Vbi est habitaculum leonum, & pascua catulorum?* Contigit ei quod de Judæa novimus per Prophetam dicitum: *Dilata calvitium tuum sicut aquila.* ^{Mich. 1. d.} Calvitium quippe hominis in solo capite fieri solet, calvitium vero aquila in toto torpore: quia cum valde senuerit, plumæ ejus ac pennæ ex omnibus membris illius cadunt. Calvitium ergo suum sicut aquila dilatat, quia plumas perdidit, quæ populum amisit. Alarum quoque penna ceciderunt, cum quibus volare ad prædam confueverat: quia omnes potentes ejus extinti sunt, per quos aliena rapiebant. Hæc autem quæ de Romanæ urbis contritione dicimus, in cunctis facta mundi civitatibus scimus. Alia tamen loca clade desolata sunt, alia gladio consumpta, alia fame cruciata, alia terræ hiaticibus absorpta. Despiciamus ergo ex toto animo hoc præfens faculum vel extinctum: finiamus mundi delicia faltem cum mundi fine: imitemur bonorum facta quæ possimus. Apud Orientem enim & Aquilonem multi sunt, qui pro perfectione vite centum cubitis mensurantur. Ex Judæa etenim & Gentilitate, sicut dictum est, ad sanctitatis culmen excreverunt. Quamvis intelligi per Orientem & Aquilonem, etiam justi & peccatores possint. Orients quippe non immerito justi nominantur, qui sicut in luce fidei nati sunt, in innocentia perficerunt. Per Aquilonem vero rectè peccatores accipimus, qui mentis frigore dilapsi sub peccati sui umbra torpierunt. Sed quia omnipotens Dei misericordia etiam tales ad pœnitentiam revocat, compunctione & lacrymis lavat, virtutibus ditar, & usque ad perfectionis gloriam sublebat, non solum ad Orientem centum cubiti, sed etiam ad Aquilonem ducuntur, dum cum iustis etiam peccatores per dona & pœnitentiam ad perfectionem veniunt: largiente Domino nostro Iesu Christo, qui cum Patre & Spiritu sancto vivit & regnat Deus per omnia sæculorum, Amen.

HOMILIA XIX.

Portam quoque, quæ respiciebat viam Aquilonis atrij exterioris, mensus est tam 40 v. 20. in longitudine, quam in latitudine. Et thalamos ejus tres hinc, & tres inde: & frontem ejus, & vestibulum ejus secundum mensuram portæ prioris: quinguenta cubitorum longitudinem ejus, & latitudinem viginti & quinque cubitorum. Fenestra autem ejus, & vestibulum, &

sculptura secundum mensuram porta qua respiciebat ad Orientem: & septem graduum erat ascensus ejus, & vestibulum ante eam. Et porta atrij interioris contra portam Aquilonis, & Orientalem: & mensus est à porta usque ad portam centum cubitos. Et eduxit me ad viam Australem, & ecce porta qua respiciebat ad Austrum: & mensus est frontem ejus, & vestibulum ejus juxta mensuras superiores: & fenestræ ejus, & vestibula in circuitu, sicut fenestræ ceteras, quinquaginta cubitorum longitudinem, & latitudinem vigintiquinque cubitorum. Et in gradibus septem ascendebatur ad eam: & vestibulum ante fores ejus: & calata palma erant, una hinc, & altera inde in fronte ejus.

Magna legentium debet esse discretio, ut in sacro eloquio cùm quilibet unus sermo dicitur, non semper unam eandemque rem significare creditur: sicut aliquando sol in bono, ali-

*Idem lib. 34
Moral. c. 6*

quando verò accipitur in malo. Solis enim nomine aliquando ipse Redemptor noster signatur, aliquando persecutio. Attestante enim libro Sapientie, in inferno impii dicturi sunt: *Erravimus a via veritatis, & sol iustitiae non luxit nobis.* Et de iactis seminibus Dominus dicit: *Ovo sole aruerunt;* quia videlicet facta persecutione, in reproborum cordibus prædicationis verba siccantur. Sic leo Dominum signat. Unde scriptum est: *Vicit leo de tribu Iuda.* Sic leonis nomine diaboli similitudo exprimitur, sicut per primum pastorem dicitur: *Adversarius vester diabolus sicut leo rugiens, circuit quarens quem devoret.* Sic bovis nomine sapiens designatur.

Unde scriptum est: *Non junges bovem & asinum,* id est, sapientem cum stulto in prædicatione non sories. Sic per bovem fatuus figuratur, sicut de eo qui in turpitudine amoris captus est, dicitur: *Statimque eam sequitur, quasi bos ductus ad vitimam;* id est, sicut fatuus trahitur ad mortem. Hac igitur dixi, ne quia portam significare Dominum, vel prædicatores, vel scripturam sacram, vel fidem exposui, ubicumque jam in hoc Propheta porta legitur, signare aliud non creditur. Cùm enim de una porta Propheta loqueretur, rectè fides intellecta est, quia una est omnium electorum fides. Cùm verò alia portæ nominantur, intelligi ora prædicatorum possunt, per quam vera vita cognoscitur, & per quam ascenditur ad sacramentorum spiritualium cognitionem. Nam porta per quam significari fidem diximus, notandum nobis est quia inferior appellatur. In hac enim vita dum sumus, quasi in imo positi adhuc inferius tenemur. Et rectè inferior porta fides est, quia nobis in terra positis aperit cognitionem Dei. Itaque nunc dicitur: [*Portam quoque qua respiciebat viam Aquilonis atrij exterioris, mensus est iam in longitudine, quam in latitudine.* Et thalamos ejus tres hinc, & tres inde: & frontes ejus, & vestibulum ejus secundum mensuram portæ prioris: quinquaginta cubitorum longitudinem ejus, & latitudinem virginem & quinque cubitorum. Fenestra autem ejus, & vestibulum, & sculptura secundum mensuram portæ qua respiciebat ad Orientem: & septem graduum erat ascensus ejus, & vestibulum ante eam.]

De porta qua respiciebat viam Aquilonis atrij exterioris, ea ipsa replicantur quam jam de porta alia superiori dicta sunt, atque alia subiunguntur, quae de prædicta porta Propheta tacuerat. Ut ergo de his latius differamus, quæ necdum discussa sunt, debeamus ea quæ dicta sunt, sub brevitate replicare.

S. Greg. Tom. I.

A Porta enim viam Aquilonis respicit, cùm prædicator quilibet vitam peccatoris agnoscit; et que interiora vita per verbum prædicationis aperit. Quæ porta atrij exterioris dicitur. Exterius quippe est atrium vita præsens, in qua omne quod corporaliter agitur, corporaliter etiam videtur. Quæ tam in longitudine, quam in latitudine mensuratur; quia cùm ad fidem peccator ducitur, necesse est ut ejus doctror consideret, vel quantum in longitudinem spei, vel quantum in latitudinem charitatis ex ejus admonitione proficiat. Qui enim ad Deum convertitur, si adhuc bona vita præsens sperat, longitudinem non habet, quia brevis est vita in qua spem posuit. Si per terrenarum rerum concupiscentiam, & adhuc per proximi odium coangustatur, latitudinem non habet, quia nescit vel transitoria contemnere, vel se in proximi amore dilatare. Cùm verò conversus quisque æternæ vita gaudia longanimer sperat, proximorum molestias cum charitate tolerat, & ea quæ non habet, concupiscere contemnit: longitudinem & latitudinem porta habet, quia gloria prædicatoris, est profectus auditoris. Unde quibidam per magnum prædicatorem dicitur: *Gaudium meum & corona Phil. 4.4
mea.* Et rursus: *Ecce nunc vivo, se vos statis in Do- 1. Tim. 3.
mino. Atque iterum: Quæ est nostra spes aut gaudium? 1. Thess. 2. d
Nonne vos ante Dominum? Longitudo ergo & lati-
tudo portæ est qua ad Aquilonem respicit: quia cùm infidelem quempiam in peccati sui frigore torpen-
tem prædicator ad fidem converterit, per hoc quoddum
eum in longitudinem spei tendit, & in amplitudinem
charitatis dilatat, ejus gloriam suam facit. Et quia in
cognitione sanctæ Trinitatis ex verbo prædicationis
auditores quicunque in ejusdem Trinitatis amore pro-
ficiunt, habet hæc eadem porta thalamos tres hinc,
& tres inde: quia omne quod per Testamentum no-
vum de Trinitate conditor loquitur, hoc etiam de
Testamento veteri ostendit. Et cor audientium in
amore caelestis patriæ * perficit, ut anima inhærens * a. profi-
Deo, quasi sponsa cum sponso in quadam jam thala-
mo sedeat, atque se à terrenis desideriis funditus
avertat. Vel certè, ut longè superius dictum est, quia ^{suprà hom.}
tres sunt ordines bene viventium, bonorum scilicet
conjugatorum, continentium, atque prædicatorum:
& quia alij etiam in conjugiis positæ amore caelestis
patriæ anhelant: alij autem sp̄e æterni gaudi etiam
carnem macerant, omnesque actus terrenos refu-
giant, & in cura hujus facili implicari conser-
nunt: alij verò & terrena bona despiciunt, & caele-
stia gaudia prædicant, que cognoverunt: quid isti
ni si in spirituali ædificiō thalami sunt, in quorum
cognitione & meditatione anima caelesti sponso fo-
ciatur? Quos tres bonorum ordines, quia non so-
lum Ecclesia ex Gentibus habet, sed aliquando e-
tiam synagoga habuit, dum magna multitudo spi-
ritualium Redemptoris gratiam ardenter expecta-
vit, porta ædifici caelestis tres hinc, & tres inde
thalamos habet: quia prædicator quisque, cùm ad
superioram patriam auditorem provocat, & novos
patres & veteres anhelatæ caelestis desiderio demon-
strat. Plus enim plerumque exempla quam ratione-
nationis verba compungunt: & cùm prædicator di-
cit quales alij in conjugio, vel in continentia, vel
in prædicatione erga omnipotentis Dei amorem in
novo Testamento fuerint, vel alij quales in veteri,
porta qua loquitur, ternos ex utroque latere ha-
bere se thalamos ostendit. Quæ porta habet &
frontem; quia sunt in prædicatoris vita aperta o-
pera quæ videntur. Habet & ante frontem vestibulum:
quia priusquam bona opera insinuet, præ-
dicat fidem, per quam anima humiliter veniens,
ad bonorum actuum altitudinem sublevetur. Quæ
cunctæ secundum mensuram portæ prioris sunt, jux-
ta hoc quod subditur: [*Quia mensus est quinquaginta
cubitorum longitudinem ejus, & latitudinem virginem
quinque cubitorum.*] Hæc jam superioris latius me-*

NNN ij

B

C

D

E

dixisse meministis. Per quinquagenarium enim numerum requiem diximus figurari: quia & quinquagesimus annus veteri populo in requiem datus, appellatus est Jubilæus: & septenarius numerus, per quem hoc omne tempus evoluitur, septies multiplicatus, ad quadraginta & novem dicitur. Qui monas additur, quia in unius contemplatione requies aeterna perficitur. Idem ergo quinquagenarius numerus nobis in longitudinem est: quia pervenire ad illam requiem non potest, nisi qui ad eam, spem suam modò tendere longanimitate potest. Quia enim per quinquagenarium numerum ad aeternam requiem provocamus, etiam hoc nos omnino instruit, quod in tabernaculo decem cortina jussæ sunt fieri, quæ habent anfusulas quinquaginas, & circulos aureos quinquaginos à latere & summitate. Cortina tabernaculi, sancti omnes sunt, qui ex diversis virtutum coloribus in sancta Ecclesia ornamento proficiunt. Qui & interiora velant, & exteriora omnimodo exornant: quia corum vita inquantum videtur, ornamentum est; & corum intellectus intus abscondit, dum celestia quæ in mente servant, & dicere non possunt, in eis aliquo modo velantur. Rechè * al. cufto- autem decem cortinae sunt, quia per Decalogi * studiū ipsa sanctorum corda proficerunt. Hyacinthi- suprà hom. na vero anfusulae cortinarum fieri quinquaginta precepta sunt. Hyacinthus cæli speciem habet. Anfusulae ergo cortinarum sunt præcepta celestia, in quibus ligantur animæ, ut ab inferioribus sublevatae, superius pendant. Que videlicet anfusulae habent & circulos aureos, intellectum scilicet verâ sapientiâ fulgentem. Qui intellectus, quia esse debet per omnia circumspicetus, & cautele sollicitudinis vigilantiâ munitus, rectè per circulos designatur. Et notandum quod à latere & summitate jubentur anfusulae, vel circuli in cortinis fieri: quia præcepta celestia, & intellectus spiritalis, non solum debet nos sursum in Dei amorem suspendere, sed etiam proximo in charitate sociare. In eo enim quod conditorem nostrum diligimus, quasi per superiores anfusulas in aere pendemus. In eo vero quod sicut nos metis proximos amamus, anfusulas & circulos à latere habemus, ut cortina tabernaculi, id est, fideliuum animæ per charitatem conjunctæ sint, & non per discordiam divide. Unde & hic post longitudinem quinquaginta cubitorum, protinus latitudo subjungitur viginti & quinque cubitorum: quæ videlicet latitudo ad charitatem proximi pertinet. Ipsi enim in fratrum amore se dilatat, atque ergo eos omne quod potest boni operis exercet. Cunctæ autem bona opera quæ corporaliter sunt, per quinque corporis sensus exhibentur, videlicet per visum, auditum, tactum, gustum, odoratum. Quinarius vero numerus per semetipsum ductus ad viceimum & quintum pervenit; quia bona opera cum agi coepit, per fervorem animum ad augmentum excitant, & per semetipsa multiplicantur. Unde & latitudinem menti faciunt, ut non sit angusta per temporis, sed expansa in bonis actibus per charitatem. Omnis enim torpor temporis, angustia est; omnis vero benignitas charitatis, magna latitudo. Nam et si res deflunt, quæ fortasse indigent proximo præbeat, ampla est substantia voluntatis bona, quæ suffici ad regni retributio- nem, sicut scriptum est: *In terra pax hominibus bona voluntatis.* Sequitur: [Fenestræ autem ejus, & vestibulum, & sculptura secundum mensuram portæ quæ respiciebat ad Orientem.] Cunctæ hæc jam superius latius dictæ sunt, & idcirco fermo non debet morosa expositione tardare. Hoc tamen magnopere notandum est, quod porta ad Aquilonem ea omnia habere perhibetur, quæ porta ad Orientem: fenestræ scilicet contemplationis, vestibulum humilitatis, sculpturam bona operationis. Omnes enim qui per hoc quod Deo in conversatione nati sunt, in innocentia persistenterunt, portam ad Orientem habent;

Exod. 27. d

Exod. 27. a

* al. cufto-

dām

suprà hom.

na vero

in Eze.

10. in lib. 8.

Moral. c. 37

Luc. 2. b

A quia eis celestis regni aditus patet ex lumine quod acceperunt. Et omnes qui in peccatis postmodum lapi, torporis sui frigore sunt depresso, sed dum per penitentiam redeunt, ad amorem celestis patriæ recalcescunt, portam ad Aquilonem habent; quia eis etiam post peccati sui frigus celestis regni aditus per misericordiam patet. Et ergo habere dicitur porta ad Aquilonem, qua habet portæ ad Orientem; quia & conversi peccatores sic ditantur virtutibus, sicut illi sunt divites, qui cadere in peccatum vitaverunt. Unde & Psalmista voce per Dominum dicitur: *Ci- ps. 101. 2.* *nerem sicut panem manducabam;* quia sic penitentes recipiunt justos. Scriptum quippe est de peccatoribus: *Olim in cibicio & cinere penitentiam egissent.* *Matt. 11. 6.* Cinis ergo sicut panis comedunt, quando ad auctoris sui gratiam peccator per penitentiam sicut innocens revocatur. Porta igitur ad Aquilonem habet fenestras, habet vestibulum, habet sculpturas: quia cum peccator ad vitam post culpas reducitur, sæpe lumen contemplationis accipit, atque de ipsa memoria iniquitatis sua, gratiam magnæ humilitatis, bona quoque operationis efficaciam sumit; ut omne quod fieri præcipitur, in vita ejus quasi sculptum esse videatur. [*Septem vero gradum erat ascensus ejus, vestibulum ante eam.*] Septem gradibus ad portam ascendit, quia per sancti Spiritus septiformem gratiam aditus nobis * regni celestis aperitur. Quam septiformem gratiam Isaías in ipso nostro capite, vel in ejus corpore, quod nos sumus, enumerans dicit: *Requiescat super eum spiritus sapientia & intellectus, spiritus consilii & fortitudinis, spiritus scientia & pietatis, & replete eum spiritus timoris Domini.* Quos gradus, de celestibus loquens, descendendo magis quam ascendendo numeravit: videlicet sapientiam, intellectum, consilium, fortitudinem, scientiam, pietatem, timorem. Et cum scriptum sit: *Initium sapientie timor Domini;* constat proculdubio, quia à timore ad sapientiam ascenditur, non autem à sapientia ad timorem reditur; quia nimur perfectam habet sapientia charitatem. Et scriptum est: *Perfecta charitas foras mittit timorem.* Propheta ergo, quia de celestibus ad ima loquebatur, cepit magis à sapientia, & descendit ad timorem. Sed nos qui à terrenis ad celestia tendimus, eosdem gradus ascendendo enumeramus, ut à timore ad sapientiam pervenire valamus. In mente etenim nostra primus ascensionis gradus est timor Domini: secundus, pietas: tertius, scientia: quartus, fortitudo: quintus, consilium: sextus, intellectus: septimus, sapientia. Est enim timor Domini in mente. Sed qualis est iste timor, si cum eo pietas non est? Qui enim misereri proximo ignorat, qui compati ejus tribulationibus dissimilat; hujus timor ante omnipotentis Dei oculos nullus est, quia non sublevatur ad pietatem. Sed sæpe pietas per inordinatam misericordiam errare solet, si fortasse pepercerit quæ parcenda non sunt. Peccata enim quæ feriri gehennæ ignibus possunt, discipline verbere sunt corrugenda. Sed inordinata pietas cum temporaliter parcit, ad aeternum supplicium pertrahit. Ut ergo vera & ordinata sit pietas, ad gradum est alium sublevanda, id est, ad scientiam: ut sciat vel quid ex iudicio puniat, vel quid ex misericordia dimitat. Sed quid si sciat quid agere quisque debeat, virtutem vero agendi non habeat? Scientia ergo nostra crescat ad fortitudinem, ut cum videt quid agendum sit, hoc agere per mentis fortitudinem possit, ne timore trepidet, & pavore collapsa, non valeat bona defendere quæ sentit. Sed sæpe fortitudo si improvida fuerit, & minus contra vitia circumspicit, ipsa sui præsumptione in casum ruit. Ascendat ergo ad consilium, ut providendo præmuniat omne quod agere fortiter potest. Sed esse consilii non potest, si intellectus deest: quia qui non intelligit malum quod agere gravat, quo modo potest bonum solidare

B

C

D

*Prov. 9. 1.**1. Ioan. 4. 1.*

quod adjuvat? Itaque à consilio ascendamus ad intellectum. Sed quid si intellectus magno acumine vigiter, & moderari se nesciat per matutitatem? Ab intellectu ergo ascendamus ad sapientiam: ut hoc quod acutè intellectu invenit, sapientia maturè disponat. Quia igitur per timorem surgimus ad pietatem, per pietatem ad scientiam ducimur, per scientiam ad fortitudinem roboramur, per fortitudinem ad consilium tendimus, per consilium intellectu proficimus, per intellectum ad maturitatem sapientiae pervenimus; septem gradibus ad portam ascendimus, per quam nobis aditus vitae spiritalis aperitur. Bene autem dicitur, quia vestibulum erat ante eam: quia nisi quis prius humilitatem habuerit, ad hos gradus donorum spiritalium non ascendit, sicut scriptum est: *Super quem requiescat spiritus mens, nisi super humilem & quietum, & tremorem sermones meos?* De quo per Psalmistam dicitur: *Ascensus in corde ejus dispositus in convalle lacrymarum. Convallis quippe humilius locus est: & peccator quisque dum se in lacrymis humiliiter affligit in corde, per ascensum virtutum proficit.* Qui rursus ait: *Emitit fontes in convallis; quia omnipotens Deus dona spiritalis gratiae humilibus praefat.* Potest quoque per vestibulum fides intelligi. Ipsa quippe est ante gradus & portam: quia prius ad fidem venimus, ut postmodum per spiritalium donorum gradus, cœlestis vita aditum intremus. Non enim per virtutes venimus ad fidem, sed per fidem pertingitur

Iust. 66. a

Psf. 83.

Psf. 103.

Act. 10. a

Ibid.

¶ al. Deo vero

Heb. 11. b

Psf. 41.

Phil. 1. c
* al. expec-
tationis

Cant. 5. b

A ad tattum ejus. Dilectus etenim manum per foramen mittit, quando virtute sua Dominus nostrum animum per subtilem intellectum pulsat. Et venter in tactu illius contremiscit, quia infirmitas nostra per hoc quod caelitis gaudij intellectu tangitur, ipsa sua exultatione turbatur, & fit in mente pavore cum latitia; quia jam sentit quid de caeliti gaudio diligit, & adhuc metuit, ne non * pereat, quod * al. recivix tenuiter sentit. Quid igitur restat, nisi ut se ad perfectioris vita cursum dirigant omnes, qui in illa gaudia patriæ caelitis agnoscunt? Unde & hic aptè subiungitur: [*Et mensas est a porta usque ad portam sup. hac centrum cubitos.*] Centenarium numerum, quia decies per denarium dicitur, jam superius diximus esse perfectum. Is itaque qui aditum atrij interioris videt, profectò necesse est ut per vitam perfectionis currat, & à porta inchoationis usque ad consummatiōnis ingressum perveniat. Menluretur ergo atrium interior, quod à portis exterioribus usque ad portam interiorem tenditur, centum cubitus: ut qui intrare amanda ceperit, latitudinem perfectionis habeat in mente; quatenus in eo quem diligit, hunc nec adversa coangultent, nec prospera elevent; sed transitoria cuncta despiciens, quoque ad gaudia secreta perveniat, per atrium perfectionis currat. Sunt etenim multi, qui jam in septem gradibus aditum portæ exterioris intraverunt, iuxta quemadmodum superne dispensatio modum, per timorem Dei humiles, per pietatis studium misericordes, per scientiam discreti, per mentis fortitudinem liberi, per consilium cauti, per intellectum providi, per sapientiam maturi; sed adhuc quibusdam necessitatibus obligati, hujus mundi curis inserviant: & unde jam ex magna parte excusferunt animum, ibi adhuc tenentur inviti. Cumque superimposita terrena occupationis portant onera, minùs in preceptis caelitis exercerent. Et dum anhelare medullitus ad aeternam partiam non vacat, ipsa in eis sua aliquo modo desideria languescunt: quia animo curis temporalibus prepedito, vera gaudia que cognoverunt, amare non tantum licet, quantum liber. Hi plerumque à jugo mundi colla mentis excutiunt, omnia deserunt, terrena curæ pondera deponunt, atque ut ad caeliti desiderium latius animi sinum laxent, vitam remotam petunt, & in ea sanctis precibus intenti, sacris meditationibus dediti, quotidiano se fletu afficiunt, & vetustatem cordis igne amoris conflant, atque ad caeliti gaudium accendendo se innovant. Hi plerumque in ipso suo desiderio accensi, exire jam de carne concupiscent, atque ad vitam praesentem redire post fletum nolant. Sed tamen differunt, ut dilatus amor ex ipsa sua dilatione proficiat, & ardentis desiderio quasi quod negatur, crescat. Sic in regione Gerafenorum qui *Luc. 8. f.* liberatus à legione demonum fuerat, jam cum Domino ire solebat, sed tamen ei dicitur: *Revertere in domum tuam, & narrā quanta fecerit tibi Dominus.* Sic sponsa in Cantis canticorum sanctis desiderii anxia loquitur, dicens: *In lectulo meo per Cant. 3. a noctes quasvis quem diligit anima mea. Quasvis illum, & non inveni.* In lectulo enim dilectum querit, quando in ipso suo otio & vacatione quam appetit, jam videat anima Dominum concupiscent, jam ad eum exire desiderat, jam carere praesentis vita tebris anhelat. Sed quæriri illum, & non invenit: quia quamvis magno amore desiderat, adhuc tamen ei non conceditur videre quem amat. Tales itaque sanctorum mentes quid aliud in hoc desiderio faciunt, nisi quod jam à portis exterioribus per atrium interius ad portam currunt? Quibus sepe evenit, ut eum se viderint magno caelitis gratiae munere compunctos, jam se perfectos existimant, & obedientes putent; sed quia nullus est qui dura praecipiat: patientes esse se credant, sed quia nemo eos per contumelias & adversitates pulsat. Et plerumque

NNN iij

que contingit, ut spiritale ministerium vel inviti suscipiant, atque ad gubernationem fidelium deducantur. Qui quondam magnis tribulationibus fuerint hinc inde pulsati, turbati mente, sese imperfectos invenient, qui non pulsati, perfectos se esse crediderunt. Quia ex re agitur, ut se ad semetipos colligant, & apud se taciti opprobrium sue infirmitatis erubescant, atque ex ipsa sua confusione roborti, contra adversa patientiam opponant, & ex tribulatione proficiant, qui prius in otio ex ipsa sua securitate torpebant. Et veraciter esse tales incipiunt, quales se esse prius inasiter putaverunt. Hi itaque cum à portis exterioribus usque ad interiores portam per boni studij atrium deferuntur, hoc ipsum in eis atrium centum cubitis mensuratur; quia* dilectione & exercitatione sancta quotidie ad perfectionem proficiunt. Per quotidiana enim desideria in mente proficere, quasi centum est cubitis interius atrium mensurari. Idecir ergo à portis usque ad portam centum sunt cubiti, ut quasi quædam mora eundi sit ipsa dilatatio vivendi, per quam quotidie in virtutibus crescit, ut ad interiores aditus perfectius perveniantur. Sequitur: [Ei edidixi me ad viam Australem, & ecce porta qua respiciebat ad Austrum: & mensis est frontem ejus, & vestibulum ejus juxta mensuras superiores: & fenestras ejus, & vestibula in circuitu, sicut fenestras ceteras, quinquaginta cubitorum longitudinem, & latitudinem vigeantquinque cubitorum. Et in gradibus septem ascendebatur ad eam: & vestibulum ante fores ejus.] Cuncta hæc in Orientis & Aquilonis porta jam dicta sunt, & congruam non est, ut ea quæ semel ac secundum exponentes diximus, sapis replicemus. Norandum tamen nobis est, quia in spiritali ædificio alter aditus ad Orientem, alius ad Aquilonem, atque alius ad Austrum pater. Sicut enim Aquilonis frigore peccatores, ita per Australem viam ferventes spiritu designantur: qui calore sancti Spiritus accensi, velut in meridiana luce virtutibus crescunt. Pateat itaque porta ad Orientem, ut hi qui sacramenta fidei bene inchoaverunt, & in nulla postmodum vitiorum profunditate demersi sunt, ad gaudia secreta perveniant. Pateat porta ad Aquilonem, ut hi qui post inchoationem caloris & luminis in peccatorum suorum frigore & obscuritate diligenti sunt, per compunctionem pœnitentia ad veniam redeant, & qui sit internæ retributionis veram cognoscant. Pateat porta ad Meridiem, ut hi qui sanctis desideriis in virtutibus fervent, spiritali intellectu quotidie interni gaudi mysteria penetrant. Inter hæc autem quæ potest, cum quatuor hujus mundi partes sint, cur in hoc ædificio exterioris atrij non quatuor, sed tres portæ esse memorantur? Quod rectè quærendum fuerat, si Prophetæ non spiritale, sed corporale ædificium vidisset. Sancta enim Ecclesia, id est, spiritale ædificium, ut ad secreta gaudia pertingat, tres solummodo portas habet, videlicet fidem, spem, atque charitatem: unam ad Orientem, aliam ad Aquilonem, tertiam ad Meridiem. Porta quippe in Oriente est fides, quia per ipsam lux vera nascitur in mente. Porta ad Aquilonem spes; quia unusquisque in peccatis positus, si de venia desperaverit, funditus perit. Unde necesse est, ut qui per suam iniuriam extinxerit est, per spem misericordiae reviviscat. Porta ad Meridiem charitas, quia igne amoris ardet. In meridiana etenim pars sol in altum dicitur, quia per charitatem lumen fidei in Dei & proximi dilectione sublevatur. Tribus igitur portis ad interioris atrium tenditur, quia per fidem, spem, atque charitatem ad gaudia secreta pervenitur. Alia quoque questio oritur, cur porta atrij interioris posita contra portam Orientis & Aquilonis dicatur, & an ad Australiem portam pateat, taceatur. Sed quia per Orientem inchoantes, per Aquilonem laplos diximus desi-

* al. differuntur
* al. dilectione

Agnari, dignum fuit ut vel de inchoantibus, quibus adhuc sol in tempore est, vel etiam de laplos, sed per conversionem redeunibus, aperte dicere, quod eis porta atrij interioris patet, quatenus ex ipsis nos certos faceret, de quibus dubitari potuerat. Hoc autem de porta Australi dicendum non erat; quia eos ad gaudia interna pertingere, qui fervore spiritus in virtutibus permanent, nullus ignorat. Sequitur: [Et calata palme erant, una hinc, & altera inde in fronte ejus.] Quid est, quod prius in frontibus pictura palmarum, nunc autem calata palma in fronte esse memorantur? In calatâ quippe lapidum foris opera esse videntur. Sed, sicut jam superius diximus, pictura palmarum est ostensio signorum. Nunc vero calatura palmarum dicitur, ut bonorum operum demonstratio designetur. Ipsius enim summis prædictoribus dicitur: *Videant opera Mat. 5. d vestra bona, & glorificant Patrem vestrum qui in calatis est.* Qui igitur in vita sua impressa esse sancta opera demonstrant, palmas in fronte calatas habent: quia quanta illos in posterum victoria sequuntur, jam nunc in sanctis suis operibus ostendunt. Vel certè quia fidem per Orientis, spem per Aquilonis, charitatem vero per Australem portam diximus designari; notandum nobis est, quia in Orientis porta pictura palmarum, in Aquilone vero & Meridie calatura esse perhibetur: quia contingit saepe, ut hi qui adhuc inchoantes sunt, neccum si in operibus solidis ac magnis exerceant: hi vero qui post iniquitates ad virtutes redeunt, plerumque ut culpas suas ante omnipotens Dei oculos tegere valcent, in magnis operibus excentur. Et quia jam fervore spiritus in virtutibus excreverunt, quasi meridies in sanctis actibus inardescunt. In Orientis ergo porta pictura est, in Aquilonis vero & Meridie calatura: quia signum victoriae quod in inchoantibus ostenditur, hoc in revertentibus atque ferventibus jam solidius & robustius teneretur. Notandum quoque magnopere est, quod dicitur, *hinc & inde.* Omnes enim qui ad vitæ aditum tendimus, & ex dextro & sinistro latere habere palmam debemus. Quod enim hinc & inde dicitur, latus utrumque signatur. A dextro igitur palmam habet is, quem prospera non extollunt: a sinistro palmam habet is, quem adversa non dejicunt. Quasi ex utraque parte portabat Paulus palmam cum diceret: *Per arma iustitiae 2. Cor. 6. b à dextris & à sinistris, per gloriam & ignobilitatem, per infamiam & bonam famam: ut seductores, & veraces.* Non hunc adversa frangebant, non prospera in mentis tumorem sublevabant. Hinc inde ergo gestabat palmam, quia & in adversitate fortis, & in prosperitate humilis permanebat. Quisquis enim de prosperis extollitur, habere in dextera parte palmam nescit. Quisquis in adversitatibus frangitur, portare palmam à sinistro latere ignorat. Ut ergo hinc & inde palma gestetur in fronte, adesse semper nostris mentibus debet & in adversitate fiducia, & in prosperis timor: ne aut adversa in desperationem petrarent, aut prospéra animum in sui fiduciam extollant. Hinc est quod idem egregius prædictor dicebat: *Scio & humiliari, scio & pati 4. c abundare: ubique & in omnibus infestatus sum. Et satiari & esurire, & abundare & penuriam pati: omnia possum in eo qui me confortat.* Nunquidnam, fratres, ars est aliqua, humiliari & abundare, satiari & esurire, abundare & penuriam pati: ut pro magno se ista scire tantus prædictor insinuet? Ars omnino, & mira disciplina scientia, quæ toto nobis cordis est admitti discenda. Quem enim penuria sua non frangit, à gratiarum actione non retrahit, in rerum temporalium desiderium non accedit, fecit humiliari. Hoc enim loco Apostolus humiliari, dicit penuriam pati. Nam statim è contrario subiungit: *Scio & abundare.* Qui enim acceptis rebus non extollitur, qui eas ad usum vanæ glorie non intor-

quer, qui solus non possidet quod accepit, sed hoc A rationes ponamus. Liberiū ad patriam tendimus, quia quasi in via pondere caremus. Discamus satiari, ne in sumendis alimentis corporis, gula magis quam necessitatē serviamus. Plus enim concupiscentia quam necessitas petit. Et sēpe dum carnis inopie satisfacere curamus, voluptas subrepit, modum refectionis excedit. Unde fit, ut culpa transeat ad culpam: quia plerisque inde alia tentatio carnis nascitur, dum carni * immoderata refectione servitur. * al. Ex peccato etenim primi hominis infirmante natura, in hoc mundo cum nostris tentationibus nascimur. Et caro nobis aliquando adjutrix est in bono opere, aliquando autem seductrix in malum. Si igitur ei plus quam debemus, tribuimus, hostem nutritum. Et si necessitatē ejus, quae debemus, non reddimus, civem necamus. Satianda itaque est caro, sed ad hoc usque, ut in bono nobis opere famulari sufficiat. Nam quisquis ei tantum tribuit, ut superbiat, satiari penitus ignorat. Ars itaque magna est satiari, ne unusquisque per satietatem carnis ad iniquitatem prorumpat turpitudinis. Discamus esurire, ut nobis propter abundantiam sequentem nostra hinc inopia placcat. Nec nos ventris necessitas ad culpam trahat, nec peccatum menti ipsa indigentia fuggerat: & dum caro fame afficit, ad cupiditatem animus irriterit, & querat cum culpa providere, unde carni valeat in necessitate satisfacere: ne cor in indignationem profiliat, & linguam in murmuratio amaritudinem accendat. Qui igitur in carnis sua inopia se hinc inde circumspicit, atque à peccati laqueo custodit, novit esurire. Nos itaque, fratres charissimi, iram atque avaritiam in adversitate fugientes, & elationem & immoderata gaudia in prosperitate declinantes, quia per fidem, spem atque charitatem, interioris vita atrium tribus portis intrare concepiscimus, palmas hinc & inde teneamus. Libet adhuc alterum civem cœlestis patria ad mentem reducere, & qualiter hinc inde palmarum teneat, demonstrare. Beatus etenim Job cum esset viris Orientalibus ditior, & ei prospera cuncta suppeterent, filii polleret, familia cresceret, greges exuberarent, in tanto omnipotentis Dei timore perficit, ut inter custodiam disciplinae, inter acta justitiae, inter multa humilitatis obsequia, misericordia operibus intentus, sacrificiis offerendis deditus, holocausta Domino pro singulis filiis immolarebat, ne quis eorum saltem in corde peccasset. Pensamus ergo, quanta ei erat custodia boni operis, qui in filiis suis expiabat sacrificiū culpas cordis. Sed quam justus esset, in prosperitate innotuerat: valde autem ignotum erat si perseveraret justus & inter flagella potuisset. Tāngendus ergo erat verberē. Vir ille sanctus in prosperis, interrogatur adversis: ut qui notus erat omnipotenti Domino, notus per flagella fieret nobis & habimet ipsi. Disponet itaque Domino consumpti sunt greges, interficti custodes, eversa domus, extincti filii, percussa caro a planta pedis usque ad verticem. Remansit uxor incolunis, quæ verborum jaculis vulnera augeret. Sed hanc vitam sanctus in tentatione, sanus in vulnere prudenter docet, eique respondet, dicens: Si bona accepimus de manu Domini, mala quare non suscipiamus? Amici quoque ad consolandum veniunt, ad contumelias prorumpunt, & in dolore vulnatum, addunt adhuc vulnera verborum. Immisericordem dicunt, raptorem nominant, violentum denunciant, oppreßorem pauperum fatentur. Quid igitur miles Dei faceret inter dolentia vulnera & amara verba * depresso? Ecce flagella Dei & verba hominum simul afflictionum ad desperationem preprehensus? multa portant, sed in via brevi. Magna est nobis in hoc itinerare socia paupertas, quæ animum non angustat, cum deest terrena substantia, de qua æterno iudicii

S. Bon. Ph. 4. c. 20.

Luc. 10. d.

I. Ioan. 2. b. ibid.

Mat. 6. d.

I. Ioan. 2.

Job. 1. c. 2.

Job. 2. c.

Ecclesia 29. c.

Ibid. Quia disciplinæ custos & benignus , dicit: Cumque A
tob. 31. b federem quasirex , circumspicente me exercitu , eram
 tamen merevimus consolator. Quia humilis fuerat ,
 dicit: Si contempsi subire iudicium cum seruo meo &
Ibidem. ancilla mea , cum disceptarent adversum me. Quia
Ibidem. hospitalis fuerat , fatur: Si despici pratereuntem ,
 eo quod non habuerit indumentum. Quia largus in
Ibidem. donis , dicit: Si non benedixerunt mihi latera ejus ,
 & de velleribus ovium mearum cœfactus est. Quia
Ibidem. violentus non fuerat , testatur , dicens: Si levavi
 super pupillam manum meam , cum videbem me in por-
Ibidem. ta superiori. Quia de inimici periculo nunquam
 exultaverat , dicit: Si gavisus sum ad ruinam ejus
 qui me oderat. Quia patiens fuit , & etiam suorum
 malitiam æquanimiter pertulit , dicit: Si non dixer-
Ecccl. 11. uni viri tabernaculi mei , quis det de carnibus ejus
 ut saturemur? Quid est hoc , quod vir sanctus tot
 suas virtutes inter flagella enumerat? Quid est ,
 quod ore suo opera que fecerat , laudat: nisi quia
 inter vulnera & verba quæ hunc ad desperationem
 trahere poterant , ad spem animum reformat? Et
 qui in prosperitate humili fuit , revocatis bonis suis
 ad memoriam , infraictus in adversitate permanxit.
 Cujus enim animum inter tot flagella , illa verba ad
 desperationem non impellerent , nisi sibi ad memo-
 riā bona que fecerat revocasset? Videlicet san-
 ctus vir mente suam auditus tot malis ad despera-
 tionem concuti , & mirabiliter studuit in spe certa
 ex bonis suis actibus solidari. Sic impletur quod
 scriptum est: In die bonorum ne immemor sis malorum , & in die malorum ne immemor sis bonorum. Si
 enim cum bona habemus , malorum reminiscimur ,
 quæ aut jam passi sumus , aut adhuc pati possumus: accep-
 ta bona mentem non elevant , quia corum
 gaudium timor memoriae malorum premit. Et si
 cum mala habemus , bonorum reminiscimur , quæ
 aut jam accipimus , aut adhuc nos possit accipere
 speramus , malorum pondus animum in desperatio-
 nem non deprimit , quia hunc ad spem memoria
 bonorum levat. Si itaque fratres charissimi , sic per
 præcepta Dominica & per sanctorum exempla gra-
 dumur , ut nos nec prosperitas elevet , nec adversi-
 tas frangat , habere nos ante omnipotens Dei oculos
 palmas hinc & inde monstramus: Cui est honor
 & gloria , in secula seculorum. Amen.

HOMILIA XX.

Ezech. c. Et porta atrij interioris in via Australi : &
XL. v. 27. mensus est à porta usque ad portam in via
 Australi , centum cubitos. Et introduxit me in atrium interioris ad portam Australi : & mensus est portam juxta mensuras superiores , thalamum ejus , & frontem ejus , & vestibulum ejus eisdem
 mensuris : & fenebras ejus , & vestibulum ejus in
 circuitu quinquaginta cubitos longitudinis , & latitudinis vigintiquinque cubitos : & vestibulum per gyrum longitudine
 viginti & quinque cubitorum , & latitu-
 dine quinque cubitorum : & vestibulum
 ejus ad atrium exterius , & palmas ejus
 in fronte : & octo gradus erant quibus
 ascendebatur ad eam. Et introduxit me in
 atrium interioris per portam Orientalem , & mensus est portam secundum mensuras superiores , thalamum ejus , & frontem ejus , & ve-
 stibulum ejus sicut supra : & fenebras ejus , &
 vestibulum ejus in circuitu longitudine quinquaginta
 cubitorum , & latitudine vigintiquinque cubitorum. Et vestibulum ejus , id est , atrij interioris ,
 & palma calata in fronte eius hinc & inde , & in
 octo gradus ascensus ejus.] Ea quoque , que de
 Australi porta & Orientali dicta sunt , in eisdem
 verbis etiam de porta quæ ad Aquilonem respicit ,
 replicantur. Nam subditur: [Et introduxit me ad
 portam quæ respiciebat ad Aquilonem , & mensus
 est secundum mensuras superiores , thalamum ejus ,
 & frontem ejus , & vestibulum ejus , & fenebras
 ejus per circuitum , longitudine quinquaginta cubi-
 torum , & latitudine vigintiquinque cubitorum. Et
 vestibulum ejus respiciebat in atrium exterius , &
 celatura palmarum in fronte illius hinc & inde ,
 & in octo gradibus ascensus ejus.] Quid itaque
 interiori atrio , quid thalamo , quid frontibus ,
 quid vestibulo , quid fenestris , quid longitudine &
 latitudine , quid palmarum cælaturæ signetur , la-
 tè jam superius diximus : nec oportet ut in eisdem
 iterum , sed in his solummodo quæ necdum dicta
 sunt ,

rum , & latitudine vigintiquinque cubito-
 rum. Et vestibulum ejus , id est , atrij ex-
 terioris , & palma calata in fronte ejus
 hinc & inde , & in octo gradibus ascen-
 sus ejus. Et introduxit me ad portam que
 respiciebat ad Aquilonem : & mensus est
 secundum mensuras superiores , thalamum
 ejus , & frontem ejus , & vestibulum ejus ,
 & fenebras ejus per circuitum , longitu-
 dine quinquaginta cubitorum , & latitu-
 dine vigintiquinque cubitorum. Et vestibulum
 ejus respiciebat ad atrium exteriū :
 & celatura palmarum in fronte ejus hinc
 & inde , & in octo gradibus ascensus ejus.
 Et per singula gazophylacia ostium in
 frontibus portarum. Ibi lavabant holo-
 caustum.

Prophetæ verba , que largiente Domino hodie
 charitati vestre loquenda sunt , lectione magis
 indigent , quam expositione. Ea enim in tribus portis
 interioribus replicantur quæ secundò jam , vel tertio
 de exterioribus dicta sunt. Pauca verò in eam
 descriptione permutantur. Unde necesse est ea nos
 quæ jam dicta sunt , legendo transcurrere , ut ea
 quæ dicenda sunt , licet in possimus enodare. Ita-
 que nunc dicitur: [Et porta atrij interioris in via
 Australi : & mensus est à porta usque ad portam
 in via Australi , centum cubitos. Et introduxit me
 in atrium interioris ad portam Australi : & mensus
 est portam juxta mensuras superiores , thalamum
 ejus , & frontem ejus , & vestibulum ejus eisdem
 mensuris : & fenebras ejus , & vestibulum ejus in
 circuitu quinquaginta cubitos longitudinis , & la-
 titudinis vigintiquinque cubitos , & vestibulum per
 gyrum.] Cuncta hæc superius dicta atque expedita
 esse meministis. Necdum verò est dictum quod de
 eodem vestibulo subditur: [Longitudine viginti &
 quinque cubitorum , & latitudine quinque cubi-
 torum : & vestibulum ejus ad atrium exteriū .]
 Atque iterum hoc quod jam superius dictum fuerat ,
 replicatur , cum dicitur: [Et palmas ejus in fron-
 te.] Et statim quod adhuc dictum non fuerat , sub-
 ditur: [Et octo gradus erant in quibus ascende-
 tur ad eam.] Hoc quoque quod de Australi porta
 scriptum est , de Orientali quoque porta in eodem
 ordine narratur. Nam protinus subinfertur: [Et
 introduxit me in atrium interioris per portam Ori-
 entalem : & mensus est portam secundum mensuras su-
 periores , thalamum ejus , & frontem ejus , & ve-
 stibulum ejus sicut supra : & fenebras ejus , &
 vestibulum ejus in circuitu longitudine quinquaginta
 cubitorum , & latitudine vigintiquinque cubitorum. Et
 vestibulum ejus , id est , atrij interioris ,
 & palma calata in fronte eius hinc & inde , & in
 octo gradus ascensus ejus.] Ea quoque , que de
 Australi porta & Orientali dicta sunt , in eisdem
 verbis etiam de porta quæ ad Aquilonem
 respicit , replicantur. Nam subditur: [Et introduxit me ad
 portam quæ respiciebat ad Aquilonem , & mensus
 est secundum mensuras superiores , thalamum ejus ,
 & frontem ejus , & vestibulum ejus , & fenebras
 ejus per circuitum , longitudine quinquaginta cubi-
 torum , & latitudine vigintiquinque cubitorum. Et
 vestibulum ejus respiciebat in atrium exterius , &
 celatura palmarum in fronte illius hinc & inde ,
 & in octo gradibus ascensus ejus.] Quid itaque
 interiori atrio , quid thalamo , quid frontibus ,
 quid vestibulo , quid fenestris , quid longitudine &
 latitudine , quid palmarum cælaturæ signetur , la-
 tè jam superius diximus : nec oportet ut in eisdem
 iterum , sed in his solummodo quæ necdum dicta
 sunt ,